

- p. 780 line 4【一心求淨方】一心本具十法界無量無邊法，華嚴云：心如工畫師，造種種五陰。一切世界，無不從心造。以至誠心、不二心，書寫、讀誦、讚歎、演說、供養此《無量壽經》，一向專念阿彌陀佛名號，迴向淨土；與佛清淨本願相應，自然「決定往生極樂國」。百界千如心具心造故，舉凡淨土依正無非自心所變相分。優曇普度《廬山蓮宗寶鑑》卷 8：「深信阿彌陀佛即我本性。貴在禮誦懺念之間。行住坐臥之處。照於三觀。契乎一心。全智發境。全境是心。故知佛正佛依皆是心具心造。信哉！淨土彌陀昭昭然影現于心目之間。譬如磨銅成鏡。必假施功。直使塵垢淨盡無餘。則本體圓明自然顯現。一切色像俱無隱焉。」(T47, p. 338, c12-18)
- p. 784 line 6+10【普賢差別智、文殊根本智】《新華嚴經論》卷 3：「總相具德有三：一佛。二文殊。三普賢。佛表果德無言。當不可說、不可修、不可得、不可證。但因成果自得。文殊因位可說。以此說法身果德。勸修普賢。自行可行。行其行海。充滿法界故。用此三德將為利樂眾生。文殊成讚法身本智。普賢成其差別智之行德。一切諸佛皆依此二尊者以為師範。而能成就大菩提之極果。」(T36, p. 739, a11-18)
- p. 784 line -4【一行三昧】《文殊師利所說摩訶般若波羅蜜經》卷 2：「文殊師利言：「世尊！云何名一行三昧？」佛言：「法界一相，繫緣法界，是名一行三昧。若善男子、善女人，欲入一行三昧，當先聞般若波羅蜜，如說修學，然後能入一行三昧。如法界緣，不退不壞，不思議，無礙無相。善男子、善女人，欲入一行三昧，應處空閑，捨諸亂意，不取相貌，繫心一佛，專稱名字。隨佛方所，端身正向，能於一佛念念相續，即是念中，能見過去、未來、現在諸佛。」(T08, p. 731, a25-b5)
- p. 793 line 8【歡喜有三義】《文殊師利菩薩問菩提經論》(一名伽耶山頂經論)卷 2：「論曰。有三種義是故歡喜。何等為三？一說者清淨。以於諸法得自在故。二所說法清淨。以如實證知清淨法體故。三依所說法得果清淨。以得淨妙境界故。如經皆大歡喜。信受奉行故。」(T26, p. 337, a14-18)  
天親菩薩造。元魏天竺三藏菩提流支譯。
- p. 8【華嚴釋經十門】自十方面釋華嚴經：唐清涼國師將欲解釋華嚴大經，故先總啟十種義門，列於經前，懸談一經大意，使知教法興起，有所自

來。然聖人言不虛發，說必有由，非大因緣，莫宣斯典，故第一論教起因緣。因緣既興，有所起教，不出三藏十二分教，故第二論藏教所攝。然藏教皆通權、實，今揀權取實，唯圓教收，故第三論義理分齊。既知圓義包含廣博，未審被何根器，故第四論教所被機。雖知正被圓機，未知能詮，何為教體？故第五論教體淺深。已知教體該羅，未知所宗尊崇何義？故第六論宗趣通局。既知旨趣沖深，未委能詮文言廣狹，故第七論部類品會。既知部類廣則無盡，略乃百千，而亦未知何年傳譯？有何感應？使宗承有緒，故第八論傳譯感通。大旨既陳，隨文解釋，先明總目，故第九論總釋經題。總意雖知，在文難曉，故第十論別解文義。故云十門釋經也。～《三藏法數》

	1	2	3	4	5	6	7	8	9	10
華嚴經疏	教起因緣	藏教所攝	義理分齊	教所被機	教體淺深	宗趣通局	部類品會	傳譯感通	總釋經題	別釋文義
彌陀經疏	教起所因	藏教等攝	義理深廣	所被階品	能詮體性	宗趣旨歸	部類差別	譯釋誦持	總釋名題	別解文義
大經解	教起因緣	本經體性	一經宗趣	方便力用	所被根器	藏教所攝	部類差別	譯會校釋	總釋名題	正釋經義

p.9 line -1【華嚴性起品】《大方廣佛華嚴經》卷 33〈32 寶王如來性起品〉：

「爾時普賢菩薩摩訶薩告如來性起妙德菩薩等諸大眾言：「佛子！如來、應供、等正覺性起正法不可思議，所以者何？非少因緣，成等正覺出興于世。佛子！以十種無量無數百千阿僧祇因緣，成等正覺出興于世。何等為十？一者、發無量菩提之心，不捨一切眾生。二者、過去無數劫修諸善根。正直深心。三者、無量慈悲救護眾生。四者、行無量行。不退大願。五者、積無量功德。心無厭足。六者、恭敬供養無量諸佛。教化眾生。七者、出生無量方便智慧。八者、成就無量諸功德藏。九者、具足無量莊嚴智慧。十者、分別演說無量諸法實義。佛子！如是等十種無量無數百千阿僧祇法門，成等正覺，出興于世。」(T09, p. 612, b26-c10)《大方廣佛華嚴經疏》卷 49〈37 如來出現品〉：「一始發大心。誓期出現故。此心何相？二明上求勝志。三明下化慈悲。四行以續願。此行謂何？五明不出福智。六別顯福嚴。七別明智嚴。八淨前功德。九嚴前智慧。所謂方便道、教道、證道、無住道。正道、助道。一道、二道等。皆莊嚴故。十窮究法源。真實智故。」(T35, p. 873, a15-21)